

ქ. თბილისის მუნიციპალიტეტის საკრებულოს  
სახელდებისა და სიმბოლიკის კომისიის სხდომის  
ოქმი № 15

14 ივნისი, 2018 წელი  
16 :00 სთ

ქ. თბილისი, თავისუფლების მოედანი №2

სხდომას უძღვებოდა: სახელდებისა და სიმბოლიკის კომისიის თავმჯდომარე  
თინათინ ნიბლოშვილი

სხდომას ესწრებოდნენ კომისიის წევრები:

ანა ლაშხი

გიორგი ბირბიჩაძე

გულია გოცირიძე

სხდომაზე კომისიის წევრებთან ერთად დღის წესრიგით წარმოდგენილი 37  
საკითხის განხილვას ესწრებოდა ვეტერანების საქმეთა სახელმწიფო სამსახურის  
თანამშრომელი ზაირა მიქატაძე.

სხდომა გახსნა კომისიის თავმჯდომარემ თინათინ ნიბლოშვილმა, მან დაადასტურა  
კვორუმი და კენჭისყრაზე დააყენა დღის წესრიგი.

## დღის წესრიგი:

1. ქ.თბილისში, კრწანისის რაიონში, ფონიჭალის დასახლების III მ/რაიონში არსებული უსახელო პარკისთვის ოკუპაციის მსხვერპლთა სახელის მინიჭების შესახებ
2. ქ.თბილისში, სამგორის რაიონში, გიორგი მუხაძის ქუჩის გაგრძელების შესახებ
3. „ქ. თბილისში, საბურთალოს რაიონში, გაგარინის II შესახვევისთვის მელიტონ ქანთარიას სახელის მინიჭების შესახებ“ 2006 წლის 12 ივლისის N72 დადგენილების არარად გამოცხადების შესახებ
4. ქ. თბილისში, ვაკის რაიონში, ავთო ვარაზის ქუჩასთან მდებარე უსახელო ქუჩისთვის მელიტონ ქანთარიას სახელის მინიჭების შესახებ
5. ქ. თბილისში, სამგორის რაიონში, ჯამბულ წურწუმის ქუჩასთან არსებული ორი უსახელო შესახვევისთვის ჯამბულ წურწუმის III და IV შესახვევების სახელის მინიჭების შესახებ
6. ქ. თბილისში, გლდანის რაიონში საზანოს ქუჩის გაგრძელების შესახებ
7. ქ. თბილისში, კრწანისის რაიონში, სპირიდონ ვირსალაძის ქუჩის გაგრძელების შესახებ
8. ქ. თბილისში, კრწანისის რაიონში, სოფ. ფონიჭალაში, ბათუმის ქუჩასთან არსებული უსახელო გასასვლელისთვის ბათუმის I გასასვლელის სახელის მინიჭების შესახებ
9. ქ. თბილისში, გლდანის რაიონში, დიდგორის ქუჩის გაგრძელების შესახებ
10. ქ. თბილისში, ისნის რაიონში, II ქუჩის II გასასვლელისთვის პაატა ჯანელიძის I გასასვლელის სახელის მინიჭების შესახებ
11. ქ. თბილისში, ვაკის რაიონში, ნუშის ბაღების ქუჩასთან არსებული უსახელო ჩიხისთვის ნუშის ბაღების I ჩიხის სახელის მინიჭების შესახებ
12. ქ. თბილისში, გლდანის რაიონში, ჭრებალოს ქუჩის გაგრძელების და მასთან არსებული ორი ჩიხისთვის ჭრებალოს სახელის მინიჭების შესახებ
13. ქ. თბილისში, სამგორის რაიონში, სოფ. ნასაგურში მდებარე უსახელო ქუჩისთვის და მასთან არსებული შვიდი შესახვევისთვის ბროწეულას სახელის მინიჭების შესახებ
14. ქ.თბილისში, გლდანის რაიონში, ტაძრის ქუჩასთან არსებული უსახელო შესახვევისთვის ტაძრის I შესახვევის სახელის მინიჭების შესახებ

15. ქ.თბილისში, დიდუბის რაიონში, აკაკი ბაქრაძის ქუჩასთან მდებარე უსახელო ქუჩისთვის და მასთან არსებული გასასვლელისთვის ბიოლოგიის მეცნიერებათა დოქტორის, პროფესორ გიგა მანჯავიძის სახელის მინიჭების შესახებ
16. ქ.თბილისში, სამგორის რაიონში, სამოქალაქო თვითმფრინავების ნაწილების ქარხანასთან არსებული უსახელო ქუჩისთვის ავიაკონსტრუქტორის მიხეილ გრიგორაშვილის სახელის მინიჭების შესახებ
17. ქ.თბილისში, გლდანის რაიონში, კულა გლდანელის ქუჩასთან მდებარე უსახელო ქუჩისთვის და მასთან არსებული შესახვევისთვის აფხაზეთის ომში დაღუპული მებრძოლის მამუკა ბუცხრიკიძის სახელის მინიჭების შესახებ
18. ქ.თბილისში, ვაკის რაიონში, ელგუჯა ამაშუკელის ქუჩასთან მდებარე უსახელო ქუჩისთვის გენერალ-მაიორის პაატა დათუაშვილის სახელის მინიჭების შესახებ
19. ქ.თბილისში, ვაკის რაიონში, ბაგებში, ნუშის ბაღების ქუჩასთან მდებარე უსახელო ქუჩისთვის აფხაზეთის ომში დაღუპული მებრძოლის, ლეიტენანტის ემზარ გელანტიას სახელის მინიჭების შესახებ
20. ქ.თბილისში, სამგორის რაიონში, ვარკეთილის მეურნეობაში, გუდამაყრის ქუჩის გაგრძელების შესახებ
21. ქ. თბილისში, საბურთალოს რაიონში, დიღმის ქედის ქუჩასთან მდებარე უსახელო ქუჩისთვის იუნკერის ირაკლი თოიძის სახელის მინიჭების შესახებ
22. ქ.თბილისში, გლდანის რაიონში, ელეონორა ტერ-ფარსეგოვა-მახვილადის ქუჩასთან არსებული უსახელო შესახვევისთვის ელეონორა ტერ-ფარსეგოვა-მახვილადის I შესახვევის სახელის მინიჭების შესახებ
23. ქ.თბილისში, სამგორის რაიონში, ვარკეთილის მეურნეობაში რაჭის ქუჩის გაგრძელების და ქუჩასთან არსებული ოთხი უსახელო შესახვევისთვის რაჭის სახელის მინიჭების შესახებ
24. ქ.თბილისში, სამგორის რაიონში, შალვა დოლიძის ქუჩის გაგრძელების შესახებ
25. ქ.თბილისში, საბურთალოს რაიონში, დიღმის ქედის ქუჩასთან მდებარე უსახელო ქუჩისთვის აფხაზეთის ომში დაღუპული მებრძოლის თამაზ ძიძიგურის სახელის მინიჭების შესახებ
26. ქ.თბილისში, საბურთალოს რაიონში, დიღმის ქედის ქუჩასთან მდებარე უსახელო ქუჩისთვის მედიცინის მეცნიერებათა დოქტორის იოსებ კვაჭაძის სახელის მინიჭების შესახებ
27. ქ.თბილისში, კრწანისის რაიონში, ვლადიმერ წითლანაძის ქუჩისთვის და მასთან არსებული სამი შესახვევისთვის ცოლიკაურის სახელის მინიჭების შესახებ
28. ქ.თბილისში, კრწანისის რაიონში, რევაზ სირაძის ქუჩისთვის და მასთან არსებული ოთხი ჩიხისთვის საბატონოს სახელის მინიჭების შესახებ

29. ქ.თბილისში, კრწანისის რაიონში, ხეივნის დასახლებაში, ე.წ. III ხეივნის ქუჩისთვის და მასთან არსებული ჩიხისთვის ბადაგის სახელის მინიჭების შესახებ
30. ქ.თბილისში, კრწანისის რაიონში, ხეივნის დასახლებაში, ე.წ. ახალი ხეივნის ქუჩისთვის და მასთან არსებული ჩიხისთვის უსახელოურის სახელის მინიჭების შესახებ
31. ქ.თბილისში, კრწანისის რაიონში, ხეივნის დასახლებაში, ე. წ. დიდი ხეივნის ქუჩისთვის და მასთან არსებული შესახვევისთვის დიდი ხეივნის სახელის მინიჭების შესახებ
32. ქ. თბილისში, კრწანისის რაიონში, ხეივნის დასახლებაში, უსახელო ქუჩისთვის და მასთან არსებული სამი შესახვევისთვის ხეივნის სახელის მინიჭების შესახებ
33. ქ.თბილისში, კრწანისის რაიონში, გია გულუას ქუჩასთან მდებარე უსახელო ქუჩისთვის და მასთან არსებული ერთი შესახვევისთვის რევმატოლოგის, აკადემიკოს ვლადიმერ წითლანაძის სახელის მინიჭების შესახებ
34. ქ.თბილისში, კრწანისის რაიონში, თაბორის მთის ქუჩასთან არსებული უსახელო შესახვევისთვის თაბორის მთის I შესახვევის სახელის მინიჭების შესახებ
35. ქ.თბილისში, საბურთალოს რაიონში, ე.წ. ნატბეურების დასახლებაში უსახელო ქუჩისთვის და მასთან არსებული ოთხი შესახვევისთვის ნატბეურების სახელის მინიჭების შესახებ
36. ქ.თბილისში, მთაწმინდის რაიონში, ფაზისისა და კოლხეთის ქუჩებთან მდებარე უსახელო ქუჩისთვის და მასთან არსებული შესახვევისთვის დიოსკურიას სახელის მინიჭების შესახებ
37. ქ.თბილისში, სამგორის რაიონში, ქინძმარაულის ქუჩასთან მდებარე უსახელო ქუჩისთვის, მასთან არსებული ერთი ჩიხისთვის და ერთი შესახვევისთვის რქაწითელის სახელის მინიჭების შესახებ

თინათინ ნიბლოშვილმა სხდომაზე დღის წესრიგით გათვალისწინებული პირველი საკითხი წარმოადგინა და აღნიშნა, რომ უსახელო პარკისთვის ოკუპაციის მსხვერპლთა სახელის მინიჭების იდეა დედაქალაქის მერს, კახა კალამეს ეკუთვნის. მისივე ინიციატივით, ფონიჭალაში მოეწყო ოკუპაციის მსხვერპლთა სახელობის პარკი და მათი სახელების უკვდავსაყოფად განთავსდება შესაბამისი მემორიალი. აღნიშნული პარკი 10 000 კვადრატულ მეტრზეა განთავსებული და მოიცავს იშვითი ხე-მცენარეებით

გაშენებულ ფართობს, აერთიანებს ფეხბურთის და კალათბურთის სათამაშო მოედნებს და მოწყობილია თანამდეროვე ინფრასტრუქტურით.

თინათინ ნიბლოშვილმა დღის წესრიგით წარმოდგენილი მე-3 და მე-4 საკითხებიც განიხილა და განმარტა, რომ გაგარინის II შესახვევს 1999 წელს ჯერ აკაკი გახოკიძის, ხოლო 2006 წელს მელიტონ ქანთარიას სახელი ეწოდა.

ვინაიდან მელიტონ ქანთარიას სახელი მიენიჭა არა აკაკი გახოკიძის ქუჩას, არამედ ისევ გაგარინის II შესახვევს, რომელიც 1999 წლიდან უკვე აკაკი გახოკიძის სახელს ატარებდა და ფაქტობრივი გარემოებები არ იძლევა აქტის აღსრულების შესაძლებლობას, კომისიამ სხდომის თავმჯდომარესთან ერთად იმსჯელა და მიიღო გადაწყვეტილება ქ. თბილისის საკრებულოს 2006 წლის 12 ივლისის N 72 დადგენილების არარად გამოცხადების შესახებ. მელიტონ ქანთარიას სახელი კი კომისიის გადაწყვეტილებით მიენიჭება ავთო ვარაზის ქუჩასთან მდებარე უსახელო ქუჩას.

კომისიაზე ისნის რაიონში, II ქუჩის II გასასვლელისთვის პაატა ჯანელიძის I გასასვლელის სახელის მინიჭებასთან დაკავშირებითაც იმსჯელეს. თინათინ ნიბლოშვილის განმარტებით, ქუჩისთვის პაატა ჯანელიძის სახელის დარქმევის მომენტში სიტუაციურ ნახაზზე დატანილი და კოორდინატებით აღნიშნული არ იქნა II გასასვლელის სახელით ცნობილი გეოგრაფიული ობიექტი. იგი ამ დრომდე შემორჩენილია II ქუჩის II გასასვლელის სახელით. ქ. თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის, ქ. თბილისის მუნიციპალიტეტის საკრებულოს 2015 წლის 16 ივნისის დადგენილება N14-59-ის, მე-7 მუხლის მე-11 პუნქტის თანახმად, ქუჩის სახელწოდების შეცვლის შემთხვევაში, სახელი ეცვლება ქუჩაზე მითითებულ ჩიხსაც, გასასვლელსაც და შესახვევსაც.

კომისიის სხდომაზე იმსჯელეს და ფაქტობრივი მდგომარეობიდან გამომდინარე, კომისიის წევრებმა სხდომის თავმჯდომარესთან ერთად დღის წესრიგით წარმოდგენილ მე-10 საკითხს დადებითი რეკომენდაცია გაუწიეს.

თინათინ ნიბლოშვილმა დედაქალაქის რიგი უსახელო ქუჩებისთვის ბროწეულას (ქუჩა მდებარეობს კინოსოფელ „ბროწეულასთან“) საბატონოს, ნატბეურების და დიოსკურიას სახელების მინიჭების საკითხი განიხილა. სხდომის თავმჯდომარემ კომისიის წევრებთან ერთად აღნიშნულ სახელდებებზე იმსჯელა და მათი მოსაზრებები მოისმინა. „დიოსკურია და ფაზისი კოლხეთის სამეფოს ორი მნიშვნელოვანი ქალაქი იყო, უსახელო ტერიტორია კი მდებარეობს კოლხეთის და ფაზისის ქუჩასთან. მიზანშეწონილია უსახელო ქუჩას დავარქვათ დიოსკურიას სახელი“- აღნიშნა თინათინ ნიბლოშვილმა.

კომისიის წევრებმა თინათინ ნიბლოშვილთან ერთად დღის წესრიგით წარმოდგენილი მეთექვსმეტე საკითხი განიხილეს და სამგორის რაიონში ერთ-ერთი უსახელო ქუჩისთვის ავიაკონსტრუქტორის მიხეილ გრიგორაშვილის სახელის მინიჭების შესახებ იმსჯელეს. მიხეილ გრიგორაშვილის ბიოგრაფიის გაცნობის შემდეგ გადაწყდა, რომ სწორედ სამოქალაქო თვითმფრინავების ნაწილების ქარხანასთან არსებულ უსახელო ქუჩას მიენიჭება მიხეილ გრიგორაშვილის სახელი. გიორგი ბირბიჩაძემ ხსენებული სახელდება თემატურად შეაფასა, დადებითი რეკომენდაცია გაუწიეს საკითხს კომისიის სხვა წევრებმაც.

როგორც ცნობილია, თბილისში ამ დრომდე შემორჩენილია ამა თუ იმ დასახლების სახელწოდებით ცნობილი ტერიტორიები, სადაც ქუჩათა ქსელები ან საერთოდ არაა მომზადებული, ან წარმოქმნილია ქალაქგეგმარებითი პრინციპების გაუთვალისწინებლად. ასეთ დასახლებათა უმრავლესობაში ქუჩის სახელების აქტები არ არსებობს და I, II, III და ა. შ. სახელებს მოსახლეობა უწოდებს საკუთარი ინიციატივით.

ამ ტიპის დასახლებას განეკუთვნება კრწანისის რაიონში მდებარე ე. წ. „ხეივანის“ დასახლება.

თბილისის მუნიციპალიტეტის საკრებულომ ხეივანის დასახლებაში ქუჩათა ქსელების მომზადების პროცესი დაიწყო 2017 წელს და ორ ქუჩას მიანიჭა რევაზ სირაძის და ვლადიმერ წითლანაძის სახელები. როგორც მოგვიანებით გაირკვა, ქუჩებზე მაცხოვრებელი მოსახლეობის უმრავლესობა ცვლილებების შესახებ საქმის კურსში არ იყო. ჩვენი მოსახლეობასთან კონსულტაციის და კრწანისის გამგებლის ლევან ჯაფარიძის ჩართულობით დაიგეგმა შეხვედრა ე. წ. „დიდი ხეივანის“ მოსახლეობასთან.

შეხვედრაზე, რომელსაც მოსახლეობის უმრავლესობა ესწრებოდა, გამოითქვა მოსაზრება, რომ ქუჩებს მინიჭებოდა ყურძნის ჯიშების სახელები. სხდომის თავმჯდომარის განმარტებით, კომისია აგრძელებს ქუჩებისთვის ვაზის ქართული ჯიშების სახელების მინიჭების პრაქტიკას. კომისიის ინიციატივით, სამგორის რაიონში ექვს უსახელო ქუჩას უკვე მიენიჭა ყურძნის უკვე გადაშენებულ ჯიშების სახელები, როგორცაა მოსავლიანი, წითლიანი, მუხამწვანე, თაკვერი, ოქროულა და ათინაური.

ვინაიდან ხეივანი, ვაზის კულტურასთან ასოცირდება, კომისიამ მოსახლეობის მიერ გამოყოფილ საინიციატივო ჯგუფს გადასცა იმ სახელების ჩამონათვალი, რომელთა ქუჩებიც არ არის თბილისში. საინიციატივო ჯგუფმა მოსახლეობასთან კონსულტაციის საფუძველზე, შეარჩია ის სახელწოდებები, რომელსაც სახელდებისთვის გთავაზობთ.

კომისიას მიაჩნია, რომ სახელწოდებები: „ხეივანი“ და „დიდი ხეივანი“ ერთგვარ ტოპონიმურ სახელწოდებებად ჩამოყალიბდა და მათი სახელობის თითო ქუჩა უნდა არსებობდეს დასახლებაში.

კომისიამ მხედველობაში მიიღო ვლადიმერ წითლანაძის დამსახურება რევმატოლოგიის დარგში და გათავაზობთ ვლადიმერ წითლანაძის სახელის მინიჭებას ხეივნის დასახლების მიმდებარედ არსებული უსახელო ქუჩისთვის.

რაც შეეხება რევაზ სირაძის ქუჩას, ხსენებულ საკითხზე ისევ კონსულტაციების რეჟიმში ვართ და ვმუშაობთ იმ ობიექტის შერჩევაზე, რომელსაც მის სახელს მივანიჭებთ.

როგორც ცნობილია, სახელდებისა და სიმბოლიკის კომისია რეგულარულად თანამშრომლობს ვეტერანების საქმეთა სახელმწიფო დეპარტამენტთან, როცა საქმე ეხება დედაქალაქის რიგი ქუჩებისთვის ომში დაღუპული მებრძოლების სახელების მინიჭებას. სწორედ ამ მიზნით, კომისიის სხდომას ესწრებოდა ვეტერანების საქმეთა სახელმწიფო სამსახურის თანამშრომელი ზაირა მიქატაძე. მისი უშუალო ჩართულობით მომზადდა და კომისიას გასაცნობად გადმოეცა იმ მებრძოლთა საბრძოლო მოკვლევები, რომელთა სახელებიც კომისიის სურვილით გაცოცხლდება თბილისის ქუჩებში (მამუკა ბუცხრიკიძე, პაატა დათუაშვილი, ემზარ გელანტია, თამაზ ძიძიგური).

კომისიის წევრებმა ერთად ერთხმად დაუჭირეს მხარი კომისიის თითქმის უკვე ტრადიციადქცეულ ინიციატივას და შემდგომი თანამშრომლობის გეგმები დასახეს.

სხდომაზე კომისიის წევრებმა სამგორის, ვაკის, გლდანის, ასევე დიდუბის, საბურთალოსა და კრწანისის რაიონებში მდებარე უსახელო ქუჩების, ჩიხების და გასასვლელებისთვის სახელების მინიჭებაზე იმსჯელეს, დღის წესრიგით წარმოდგენილი მასალები დადებითად გადაწყვიტეს, მხარი დაუჭირეს საკითხების საკრებულოს წინაშე ინიციატივებად დარეგისტრირებას და საჯარო განხილვის მიზნით საკრებულოს ვებ-გვერდზე გამოქვეყნებას.

სხდომის თავმჯდომარემ სხდომა დახურულად გამოაცხადა.

სხდომის თავმჯდომარე

თინათინ ნიბლოშვილი თ. ნიბლოშვილი

სახელდებისა და სიმბოლიკის კომისიის  
სხდომა

14 ივნისი, 2018 წელი

N	სახელი, გვარი	ხელმოწერა
1.	თინათინ ნიბლოშვილი	თ. ნიბლოშვილი
2.	მარია დარჩია	
3.	გიორგი ბირბიჩაძე	გიორგი ბირბიჩაძე
4.	ანა ლაშვი	ანა ლაშვი
5.	გულია გოცირიძე	გულია გოცირიძე
6.	თარაშ შურღია	

სახელდებისა და სიმბოლიკის  
კომისიის თავმჯდომარე

თინათინ ნიბლოშვილი  
თ. ნიბლოშვილი